

Z A K O N
O IZMJENAMA I DOPUNAMA ZAKONA O
REGISTRU ZEMLJIŠTA I PRAVA NA
ZEMLJIŠTIMA BRČKO DISTRIKTA BOSNE I
HERCEGOVINE

Na osnovu člana 23 Statuta Brčko Distrikta Bosne i Hercegovine («Službeni glasnik Brčko Distrikta BiH» broj 1/00) Skupština Brčko Distrikta na vanrednoj sjednici održanoj 10. jula 2003. godine, usvaja

Z A K O N
O IZMJENAMA I DOPUNAMA ZAKONA
O REGISTRU ZEMLJIŠTA I PRAVA NA ZEMLJIŠTIMA BRČKO DISTRIKTA
BOSNE I HERCEGOVINE

Član 1

Naslov poglavlja "A. Zemljišne knjige" mijenja se i glasi: "A. Zemljišne knjige i knjiga položenih ugovora".

Član 2

U članu 2 dodaje se novi stav 2 koji glasi:

"(2) U slučaju da nekretnina nije upisana u zemljišne knjige, o pravnom stanju posebnog dijela nekretnine vodi se knjiga položenih ugovora."

Član 3

Član 5 mijenja se i glasi:

" (1) Upis u zemljišnu knjigu, odnosno knjigu položenih ugovora, je pretpostavka sticanja, promjene, ograničenja i prestanka prava na zemljištima.

(2) Upisi u zemljišnu knjigu i knjigu položenih ugovora imaju identično pravno dejstvo. "

Član 4

Član 6 mijenja se i glasi:

- “ (1) Zemljišnu knjigu i knjigu položenih ugovora vodi Osnovni sud Brčko Distrikta Bosne i Hercegovine (u daljem tekstu: Osnovni sud).
- (2) Knjiga položenih ugovora vodi se na način propisan od Pravosudne komisije Brčko Distrikta.”

**Босна и Херцеговина
БРЧКО ДИСТРИКТ
БОСНЕ И ХЕРЦЕГОВИНЕ
СКУПШТИНА БРЧКО ДИСТРИКТА**

**Bosna i Hercegovina
BRČKO DISTRIKT
BOSNE I HERCEGOVINE
SKUPŠTINA BRČKO DISTRIKTA**

Broj: 0-02-022-215/03

Brčko, 10. juli 2003. godine

**PREDSJEDNIK
SKUPŠTINE BRČKO DISTRIKTA**

Mirsad Đapo, dipl. pravnik

This document was created with Win2PDF available at <http://www.daneprairie.com>.
The unregistered version of Win2PDF is for evaluation or non-commercial use only.